

756

1

IDENTIFICATION : 756 DU 1/01/94 K0150299
DUREE : 60 MIN.
QUALITE : BONNE
TRANSMISSION : RADIO RWANDA
DATE DE TRANSCRIPTION : 13/07/1999
NOM DU TRANSCRIPTEUR : ICYITEGETSE Drocella
NOM DU FICHIER : janv756.WPD
DICTAPHONE : OMEGA 8003, MARQUE SLIMLINE / BO-760/9

FACE A

Musique

- Orateur NYIRAHABIMANA Gaudence :

Banyarwanda, Banyarwandakazi namwe bayoboke b'ishyaka M.F.B.P mwiriweho? Uyu munsi ishyaka M.F.B.P ribafitiye ikiganiro, murakigezwaho na Prezida w'ishyaka mu rwego rw'igihugu, Ingénieur-agronome Madame NYIRAHABIMANA Gaudence afatanije...

- Orateur NSENGIYUMVA Sylvain :

n'Umunyamabanga mukuru w'ishyaka M.F.B.P, Bwana NSENGIYUMVA Silivani.

Musique

- Orateur NYIRAHABIMANA Gaudence :

K 0150300

Iki kiganiro kiribanda ku bwigenge bw'Abanyarwanda, ku myifatire y'abanyapolitike bo mu Rwanda muri iki gihe, inama ishyaka M.F.B.P rigira abanyapolitike bo mu Rwanda, umwaka w'ighumbi kimwe magana cyenda mirongo cyenda na kane, n'uko Abanyarwanda bose bakwiriye kwifata muri iri koni rikomeye ryo gushyiraho inzego z'ubutegetsi zihuriwemo na F.P.R-Inkotanyi kimwe no kuvanga imitwe y'ingabo zombi.

Kugira ngo mushobore gukurikira neza, izi ngingo zose ndagerageza kuzisobanura nifashishije Bibliya yera.

Indirimbo.

Gaudence arakomeza :

Abatazi Imana ntimunyumve nabi, kuko hateye imvugo ngo umuntu wese uzi Imana kandi akayohoza ku mutima ngo ni umurokore, ngo ni umusazi, ngo yataye umutwe, ngo ni ukubera ibibazo. Nyamara burya koko aba...baciye umugani babivuze ukuri ngo "kutiga biragatsindwa". Abantu bose bize, cyane cyane nk'abo twiganye muri Université Patrisi LUMUMBA bazi ko bigisha philosophie, kandi philosophie irimo ibice bibiri : hari philosophie ya Carl Marx, iya Frédéric ENGELS (léninisme) hamwe na philosophie ya GUEGLE. Abize neza bazi ko muri abo baphilosophe harimo ibice bibiri : harimo abavuga ko Imana itabaho, ko ibintu byose byaremwe kubera hariho science, abandi baphilosophe bavuga ko, barimo GUEGLE, bemeza ko ibintu byose byaremwe n'ingufu zo hejuru zihanitse kandi izo ngufu ni nazo zikomeza kubitegeka. Namwe rero Banyarwanda ni uburenganzira bwanyu bwo kwemera Imana no kuyihakana, ariko abayizi kandi bayemera na bo ni uburenganzira bwabo bwo kuyitwaza n'ubwo...mu byo bakora byose. Bamwe bizera iby'isi gusa bakunze kuvuga ngo hakora ifaranga. Umunsi urupfu rwabagezeho iryo faranga ntabwo rizakora na busa. Ndetse n'ibyabo bizaribwa n'abahisi n'abagenzi. Nta cyo rero bizabamarira. Ni yo mpamvu ishyaka

M.F.B.P risaba abanyapolitike bose gushaka Imana bigishoboka, kuko nibaramuka bamenye Imana bazagira urukundo kuko udakunda ntazi Imana kuko Imana ari urukundo. Icyo gihe ni ho igihugu cyacu kizagira amahoro.

Indirimbo ya Bikindi.

Arakomeza Gaudence :

Reka tugaruke ku ngingo z'ibanze. Twavuze yuko turibanda ku bwiyunge bw'Abanyarwanda. Ishyaka M.F.B.P rirasaba abanyapolitike bose kwigisha ubwiyunge bw'Abanyarwanda no kubabarirana kuko ubwiyunge ari bwo Imana ishaka. Niba ha...hari abakristu mu Rwanda, begere Bibliya yabo basome mu Rwandiko rwa kabiri rw'Abami, igice cya gatandatu, umurongo wa munani kugeza kuri makumyabiri na gatatu. Imana yereka abaga...yereka umugaragu wa Elisa ingabo zo mu ijuru. Muri iyo minsi umwami w'i Siliya yarwanaga n'Abisirayeli, ni ko Bibliya ivuga, ariko buri gihe intumwa y'Imana yitwaga Elisa ikaburira Abisirayeli. Bukeye Abisilayeli, nako Abasiriya baje kuneka bamenya ko Elisa abwira umwami w'Abisirayeli ibyo umwami w'Abasiriya byose ateganya gukora. Nuko ingabo z'Abasiriya ziyemeza kugota umudugudu witwa Bonita wari utuwemo na Elisa hanyuma ngo bakamwica bakazabona gutera umwami w'Abisilayeli. Nuko umwami w'i Siriya yohereza amafarashi n'amagare n'ingabo nyinshi byo gufata Elisa. Bagenda ijoro ryose bucya bagezeyo. Umugaragu wa Elisa yitwaga Gihazi, mu gitondo kare kare abyutse asanga umudugudu wagoswe. Ni ko kubwira Elisa ati "turashize". Elisa ati "humura dufite ingabo nyinshi kandi ni zo zikomeye". Elisa asenga Imana ngo ihumure amaso ya wa mugaragu we. Nuko Elisa amaze gusenga, nuko Imana ihumura amaso y'umugaragu we abona ingabo nyinshi zifite amagare y'umuriro n'amafarashi nuko umugaragu wa Elisa asubiza umutima mu nda. Elisa arongera asenga asaba Imana ihume amaso ya za ngabo z'Abasiriya, nuko amaze gusenga za ngabo zihuma amaso, Elisa azijya imbere ati "mwayobye n'umuntu mushaka nta we uri hano, abajyana muri Samariya hagati. Ahamagaza umwami w'Abisirayeli ati "ngizi ingabo z'Abasiriya zari zije kungota". Umwami abaza Elisa ati "mbatsinde aha"? Elisa ati "oya, n'iyo waba wabafasheho ingwate ntiwabatsinda aha".

Ahubwo bagaburire banywe, barye hanyuma babone imbaraga zo gusubira iwabo". Nuko umwami w'Abisirayeli arabagaburira baranywa, bararya barangije basubira mu mudugudu w'iwabo no kuri shebuja, kuva uwo munsi, ni ko Bibiliya ivuga, ingabo z'Abasiriya ntizongera gutera abi...igihugu cy'Abisirayeli.

Ku byerekeye reroo...imyifatire y'abanyapolitike muri iki gihe, ishyaka M.F.B.P rirasaba abanyapolitiki kumenya ko hakomeje kubaho ibitambo byinshi, kandi abanyapolitiki bakomeje gupfa bakenyutse ibyo bikaba atari ibantu byiza, u Rwanda ahubwo rukaba rukwiye kubyamagana. Ikibabaje kandi ni uko bakunze kuvuga ko ari ibitambo bya demukarasi nyamara ugasanga abanyapolitike benshi bakunze gupfa bazira amashyari, cyane cyane muri iri gabana ry'imyanya akensi bakunze gupfa bazira imyanya. Ni yo mpmvu ishyaka M.F.B.P risaba abanyapolitike bakunda igihugu, ndetse n'abanyapolitike bazi ko ibihe tugezemo atari ibihe byo kurwanira imyanya ahubwo ko ari ibihe bikomeye, kwambara intwaro zose z'Imana kugira ngo bashobore guhagarara badatsinzwe ndetse n'uburiganya bwa Satani kuko tudahanganye n'abafite amaraso n'umubiri, ni ko mu Befeso havuga, igice cya gatandatu, umurongo wa cumi kugeza ku wa cumi n'umunane ahubwo duhanganye n'aba...n'abatware n'abafite ubushobozi n'abategetsi b'isi y'umwijima ndetse n'imyuka mibi y'ahantu ho he...mu ijuru. Nuko rero, mutware intwaro zose z'Imana kugira ngo mubashe gukomera ku munsi mubi. Izo ntwaro z'Imana ni izi zikurikira :

- Muhagarare mushikamye, mukenyere ukuri, mwambare gukiranuka nk'icyuma gikingira igituza.
- Mukwete inkweto ni zo butumwa bwiza bw'amahoro, mutware kwizera nk'ingabo ni ko muzazimisha imyambi ya wa mubi yaka umuriro. Mutware agakiza kabe ingofero, mwakire n'inkota y'umwuka ni yo jambo ry'Imana. Mushengeshe umwuka iteka mu buryo bwose, mwinginga kandi mugumye mube maso musabire abera bose.

Ishyaka M.F.B.P ntiryarangiza na none ritagize icyo rivuga ku myifatire y'Abanyarwanda muri iki gihe tugezemo. Ishyaka M.F.B.P rirasaba Abanyarwanda kwihanganirana no kubabarirana, baba abakozwe mu nkokora n'intambara, baba abapfushije cyangwa ababuze ibyabo bagashobora

kwihangana, bakamenya ko ibintu byose bari bafite babihawe n'Imana ikabyisubiza, kandi bakamenya ko Imana iraguha ntimugura, iyo muguze iraguhenda. Ishyaka M.F.B.P rirasaba Abanyarwanda bose bashegeshwwe n'intambara kumenya ko umurenzaho wera ibijumba. Ishyaka M.F.B.P rirasaba Abanyarwanda bose bagezweho n'intambara kumenya ko ibi...he banyuzemo ari ibigeragezo Imana yabahaye, bakabitsinda nk'uko Yobu ubwe yavugaga ati "navuye mu nda ya mama nambaye ubusa, nzasubira no mu nda y'isi nta cyo njyanye". Ishyaka M.F.B.P rirasaba Abanyarwanda bose batagezweho n'intambara gushyigikira abandi bashegeshwwe n'intambara. Ishyaka M.F.B.P ntiriyarangiza ritifuriye Abanyarwanda bose kurama no kuramba, ariko bakamenya ko Imana yonyine ari yo itanga kurama no kuramba nk'uko byanditswe mu rwa kabiri rw'Abami, igice cya makumyabiri, umurongo wa mbere kugeza ku wa cumi na rimwe.

Mugire umwaka mwiza.

Indirimbo ya Bikindi.

- Orateur NSENGIYUMVA Sylvain :

Umwaka mushya muhire mwese bayoboke b'andi mashyaka, ndetse n'abayobozi bayo. Ishyaka M.F.B.P twaharaniye ko amahoro yagaruka mu gihugu cyacu. Umwaka w'igihumbi kimwe magana cyenda mirongo cyenda na gatatu nurangirane n'ibitekerezo bibi bya bamwe, noneho umwaka w'igihumbi kimwe magana cyenda mirongo cyenda na kane utangirane n'ubushake bwo kugarurira igihugu cyacu ubuyanjya. Abatanye bari bafatanyije intambwe imwe yo kubaka urwababyaye bagaruke mu nzira nziza, maze ubwiyunge bube bwose, nk'uko ubu twiyemeje kunga amashyaka amwe n'amwe afite amacakubiri kuko mu ishyaka M.F.B.P twa...byatubabaje bitewe n'abo dutahiriza umugozi umwe wo kuzana demukarasi mu Rwanda.

Ishyaka M.F.B.P turasaba abakuru b'amashyaka gushyira mu gaciro, amafranga batanga mu gukoresha za mitingi bakiyumvisha ko ubu inzara yugarije Abanyarwanda, noneho bakayakoresha

mu kugoboka abazahajwe n'inzara nk'uko mu ishyaka M.F.B.P ubu ariyo ntego twiyemeje. Kuko kujya kubyina ku mubyimba ku wibabariye, ahubwo wagombye kugabanya akoo...kababaro afite, mu ishyaka M.F.B.P ntitwibaza impamvu Prezida wa Republika cyangwa se abandi bagize inzego z'ubutegetsi bwo hejuru ndetse n'abanyamashyaka, impamvu batahura ngo bungurane ibitekerezo, barebere hamwe iby'umwaka ushize bamariye abo bashinzwe, cyangwa se bazabamarira ejo hazaza. Rwose mu ishyaka M.F.B.P twamaganye politike yo kuryana. Umwaka w'igihumbi kimwe magana cyenda mirongo cyenda na kane ntuzabe umwaka wo gutanga urw'amenyo mu mahanga cyangwa se ngo hatangwe urw'amenyo mu guharanirwaho kuyoborwa. Ibyiyemeje Arusha nibishyirwe mu bikorwa nk'aho umugabo asezeraniye n'undi koko.

Turasaba ishyaka F.P.R-Inkotanyi ko kuza tukubakana urwatubyaye, atari ukuza gutterana amagambo, atari ukuza ngo njye mpatse amashyaka.

Rwose Banyamashyaka ibi bihe birakomeye. Amashyari yabaye menshi muri rubanda. Bamwe batí "uriya ntakwiye kuba Ministre", "uriya ngo ntakwiye kuba depite", uriya ngo ntakwiye kuyobora pre...prefegitura", n'ibindi n'ibindi. Ubwenge aba yaragize bwo gushinga ishyaka, ubwenge aba yaragize bwo gushakisha icyazamura rubanda, ubwo ni bwo bwenge koko, mu gihe biba bikorwa abandi bahwihwisa ibitagirira imbaga y'abantu akamaro.

Banyarwanda, Banyarwandakazi, muri iki kiganiro mwagezwagaho na Madamu NYIRAHABIMANA Gaudence, Prezida w'ishyaka M.F.B.P, afatanyije na NSENGIYUMVA Silivani, Umunyamabanga mukuru, turangije tubifurije umwaka mushya muhire kuri mwese.

Indirimbo : Noheli nziza Banyarwanda ya Bikindi.

Indi ndirimo

- Orateur non identifié :

....du Rwanda s'emploie dès le premier jour de l'année et de la paix dans la famille rwandaise, a

concrétisé le voeu du Chef de l'Etat, ici et là des messes et des marches ont été organisées dans ce sens.

Ailleurs dans le monde, on a célébré le réveillon du Nouvel An à leur manière, nous passerons le tour du monde pour voir s'y est passé.

Indicatif du journal parlé en français.

Le même orateur continue :

Nous vivons la première journée de l'année mille neuf cent quatre vingt quatorze, une année baptisée par le chef de l'Etat "L'année de la paix dans la famille rwandaise". Le président Juvénal HABYALIMANA, dans son traditionnel message de voeux à la nation pour le nouvel an, invite..., a invité tout le monde à oeuvrer pour le rétablissement de la paix dans le pays.

Le président HABYALIMANA invite la classe politique du pays à abandonner la démagogie et l'intrigue pour se consacrer au cours de cette période de transition, à la reconstruction du Rwanda. Il formule le voeu que cette voie..., euh...que cette voie...que cetil...cette voie démocratique voit le multipartisme aboutir à l'éclosion des idées fécondes, susceptibles de ramener la paix, de rétablir l'ordre public et de faire avancer le pays vers le progrès.

Au sujet de la mise en place des institutions de la transition à base élargie, le chef de l'Etat demande aux responsables désignés de calmer le jeu, de poursuivre ces consultations en vue de parvenir à des compromis stables de nature à favoriser le retour de la paix durable au Rwanda.

Ce gouvernement devrait non seulement s'occuper du problème politique, a-t-il dit, mais aussi et surtout à la relance économique, à la gestion rigoureuse des ressources du pays et au bien-être socio-économique de la population.

Le président HABYARIMANA remercie enfin la communauté internationale pour son aide et la prie de continuer à soutenir le Rwanda dans ses efforts de recouvrement de la paix et la concorde et l'unité nationale.

Pour revenir aux institutions de transition euh... ici nous avons une mise au point de la présidence de la république sur les déclarations du premier ministre, Madame Agathe UWILINGIYIMANA, une déclaration relative au calendrier de la mise en place des institutions de la transition à base élargie. La présidence de la république voudrait éclairer l'opinion et rétablir la vérité en ce qui concerne le prétendu refus du président de la république de prêter serment et par voie de conséquence bloquer la mise en place des institutions.

La présidence de la république rappelle que le chef de l'Etat a reçu en audience à plusieurs reprises toutes les personnalités concernées eh...par cette question, spécialement le premier ministre, Madame Agathe UWILINGIYIMANA et le premier ministre désigné du gouvernement de transition à base élargie, Monsieur Faustin TWAGIRAMUNGU. La dernière rencontre date du trente décembre mille neuf cent quatre vingt treize où le président de la république, le premier ministre actuel et le premier ministre désigné avaient réaffirmé la nécessité de la poursuite des contacts avec les forces politiques afin d'aboutir à un compromis acceptable par tous.

Curieusement, c'est le point trois du...communiqué de presse émanant de la présidence, curieusement lors de la rencontre du trente décembre mille neuf cent quatre vingt treize, le premier ministre, Madame Agathe UWILINGIYIMANA, n'a pas fait part au président de la république du calendrier politique qu'il a programmé le trente-un décembre mille neuf cent quatre vingt treize à neuf heures. Le premier ministre a préféré imposer au chef de l'Etat un calendrier imaginaire et par voie épistolaire et ce sans aucune concertation.

La présidence de la république reste d'avis qu'il faut éviter de rééditer le comportement d'Arusha où le président de la république était invité à la signature de l'accord de paix alors que l'on savait

pertinemment que les négociations n'avaient pas encore abouties. La présidence dénonce cette façon d'abuser l'opinion et le peuple rwandais.

Le premier ministre désigné devrait prendre ses responsabilités et dialoguer avec les forces politiques du pays et dans l'esprit des closes de l'accord de paix d'Arusha afin d'asseoir une paix stable et durable en mettant en place des institutions soutenues par la majorité de la population rwandaise.

Des forces politiques devraient aussi mettre tout en oeuvre pour résoudre...mettre tout en oeuvre pour résoudre rapidement les différends par voie de compromis et ainsi permettre la mise en place des institutions de la transition à base élargie avant le cinq janvier mille neuf cent quatre vingt quatorze.

Enfin, la présidence de la république réaffirme que le chef de l'Etat n'a jamais refusé de prêter le serment constitutionnel aussi longtemps que toutes les difficultés seront levées. Eh! Le communiqué de la présidence est signé par Enoc RUHIGIRA, le directeur de cabinet du président de la république.

Indicatif du journal.

Le même orateur continue :

...à base élargie, nous signalons que en...dans un communiqué de presse, le premier ministre, Agathe UWILINGIYIMANA a évoqué l'urgence de la mise en place de ces institutions de transition étant donné que la situation socio-économique et politique exige que l'on agisse à temps. Il y a dix raisons pour cela, souligne le communiqué du premier ministre. La MINUAR, conformément à la résolu....à la résolution huit cent soixante douze du conseil de sécurité devrait présenter impérativement son rapport le cinq de ce mois sur l'état de la mise en exécution de l'accord de paix et particulièrement la mise en place des institutions de la transition. Il y a également les exigences de la Banque mondiale et du Fond monétaire international qui requièrent la mise en place de ces institutions pour que se poursuive l'exécution du programme d'ajustement structurel.

Le premier ministre regrette enfin que la déclaration de Kinihira du dix décembre mille neuf cent quatre vingt treize n'ait pas été respectée et souhaite qu'une autre date soit fixée avant le cinq janvier prochain par le gouvernement et le F.P.R en accord avec le président de la république.

Spéciale Bonne année, la communauté chrétienne de la capitale a organisé ce premier janvier une marche de la paix. Des milliers de fidèles catholiques et protestants sont partis de la Paroisse Saint Michel à Kigali pour enfin se retrouver au stade nationale Amahoro à Remera.

Tout au long de leur marche, comme au stade, ils ont fustigé la corruption, la violence, le mensonge, l'injustice, le manque de patriotisme et une foule d'autres maux qui me...qui minent la classe politique rwandaise.

Ils ont prié pour la paix, la vérité et la justice et promis de s'investir dans leur ca....dans leur historique de réconciliation nationale.

Une marche de ce genre a été organisée à Gisenyi, nous avons en ligne Ildéphone FAYIDA.

- Orateur Ildéphonse FAYIDA :

Dans leurs slogans et chansons, ils imploraient la miséricorde divine pour que les rwandais puissent vivre encore en symbiose cohabitation dans la tolérance mutuelle.

Ils sont pour un changement radical, mais pacifique de la politique au Rwanda et souhaitent que la vérité et l'amour guident chaque rwandais enfin d'arriver à la réconciliation et la vraie unité nationale.

Tout a commencé hier le trente-un décembre quatre vingt treize, car tous les chrétiens étaient invités

à passer douze heures de jeûne et de prière.

K0150309

Quant aux fidèles de l'église catholique, hier dans la soirée, ils se sont retrouvés au tour de leur Evêque à Nyundo pour chanter l'hymne d'action de grâce pour l'année qui vient de s'écouler.

Ce matin, la marche de tous les chrétiens, ceux qui se confessent chrétiens à Gisenyi, a commencé à sept heures trente aux églises respectives et s'est terminée au stade Umuganda dans la mi-journée.

Ildéphonse FAYIDA, ORINFOR Gisenyi.

Le même orateur non identifié continue :

Merci Ildéphonse FAYIDA, à Gikongoro, la marche de prière pour la paix rassemblait autour de l'Evêque local Monseigneur Augustin MISAGO plus de trois mille fidèles. Au cours de la marche, cette procession de chrétiens alternait champs et prières accompagnés de tambour, de battements de mains et de sifflets. C'est ce que nous apprend notre correspondant régional permanent Emmanuel NSABIMANA.

Entre les différentes étapes de parcours, les représentants des laïques ont lu un message des commissions catholiques et protestantes pour la paix et la justice, un message selon lequel ils s'engagent résolument à s'impliquer dans la recherche de la paix, de la justice et de la réconciliation dans la lutte contre la violence, la politique du mensonge, du crime et du ventre.

A la fin de la marche, Monseigneur Augustin MISAGO a profité de l'occasion pour prier Dieu qu'il daigne faire tomber la pluie. Les habitants de Gikongoro vivent actuellement une situation catastrophique de la famine.

A concrétiser le voeu du chef de l'Etat, le président de la république qui a baptisé l'année mille neuf

cent quatre vingt quatorze, l'année de la paix dans la famille rwandaise. Ici et là des messes et des marches pour la paix ont organisées à travers le pays.

Ailleurs dans le pays, nous avons passé le tour d'horizon de ce qui s'est passé à l'occasion du réveillon du Nouvel An et ...dans quelques régions, il a été question des violences et dans d'autres il a été question de la paix et...je vous souhaite encore une fois une Bonne année et de meilleurs voeux du Nouvel An.

Indicatif.

- Orateur Jules NIZEYIMANA :

Kuri uyu munsi w'Ubunani abakristu b'abagatolika n'abo mu matorero y'Abaprotestanti bifatanyije hirya no hino mu gihugu, bakora urugendo rwo gusaba no gushyigikira amahoro mu gihugu cyacu.

Mu mujyi wa Kigali urwo rugendo rwatangiriye ku Kilizya eee...y'Umuryango mutagatifu, barusozereza kuri stade Amahoro i Remera, ahabereye igitaramo cyamasengesho n'indirimbo.

Mu ijambo Pastoro TWAGIRAYESU Mikayile, Prezida w'inama y'amatorero y'abaprotestanti mu Rwanda yavuze, yavuze ko impamvu zatumye bakora urwo rugendo ari ukugira ngo buri wese yihane kugira ngo dushobore kubahaha, koroherana maze twiyunga n'uwo twaba twarahemukiye twese. Ni ngombwa rero gusaba Imana ko igihugu cyategekwa mu bunyangamugayo kandi buri wese akaba intumwa y'amahoro mu Rwanda.

Mu ijambo Musenyeri Visenti NSENGIYUMVA, Arkiyepiskopi w'Arkidiyosezi ya Kigali yahavugiyе yagize ati "muharanire amahoro aho muri hose, ntimwibagirwe gusabira abategetsi bacu kugira ngo abafite umutima mubi uhinduke mwiza wo kuyobora abo bashinzwe".

Ku Gisenyi naho abakristu b'Abagatolika n'abo mu matorero y'Abaprotestanti bakoze urugendo barangirije kuri stade Umuganda. Urwo rugendo rwari urwo gusaba no gushimangira amahoro mu Rwanda, rukaba rero rwari runagamije no kwamagana ibibi byose by'intambara kugira ngo amahoro n'ubutabera biggerweho maze Abanyarwanda bashobore kwiyunga.

Ku Gikongoro ho Abakristu ibihumbi bitatu bifatanyije n'Umushumba wabo Musenyeri Agustini MISAGO mu rugendo rwo gusaba amahoro no gusaba Imana kugira ngo itabare abanyagikongoro bugarijwe n'icyago cy'inzara, ibahe kandi n'imvura ba...buze dore ko ubu izuba ricanye.

Na none mu makuru y'u Rwanda, itangazo ry'ishyaka C.D.R ritugezeho riravuga ko ku itariki ya mirongo itatu n'imwe Ukuboza, igihumbi kimwe magana cyenda mirongo cyenda n'itatu, komite nyobozi y'ishyaka C.D.R yakoze inama yari yatumiwemo Abaprezida b'ishyaka mu rwego rwa Prefegitura. Iyo nama yasuzumye uko ibintu byifashe mu rwego rwa polikitiki muri iki gihe mu gihugu cyacu. Komite nyobozi imaze gusuzuma uko politiki y'igihugu yifashe muri iki gihe, yiyeje gutangariza Abanyarwanda ibi bikurikira :

Ishyaka C.D.R rimaze kubona uko ibintu byahindutse mu rwego rwa politiki y'u Rwanda kuva aho amasezerano y'Arusha ashiriweho umukono; rimaze kubona ko hari ingufu za politiki ziyemeje kurwanirira republika na demukrasi nk'uko ari yo nzira ishyaka rya rubanda nyamwinshi C.D.R ryahisemo; rimaze kubona ko ritaba ryonyine mu guharanira inyungu za rubanda nyamwinshi mu Nteko ishinga amatageko y'inzibacyuho ko ahubwo rigomba gufatanya n'andi mashyaka bahuje uwo mugambi, ishyaka C.D.R ryongeye gushimangira icyemezo ryafashe ku itariki ya makumyabiri na gatandatu ukuboza igihumbi kimwe magana cyenda mirongo cyenda n'itatu, rikaba ryarakimenesheje mini...Ministeri y'Uburanyi n'amahanga hamwe na Prezida w'Urukiko rurinda iremezo ry'itegeko-nshinga ku itariki ya makumyabiri n'icyenda Ukuboza, igihumbi kimwe magana cyenda mirongo cyenda n'itatu ryo gushyira umukono ku masezerano azagenga imyifatire y'amashyaka mu rwego rwa politike nk'uko amasezerano y'Arusha abiteganya.

Ishyaka C.D.R riragaya imyifatire idahwitse ya Ministri w'Uubbanyi n'amahanga ikomeje kuribaza gushyira umukono kuri ayo masezerano.

Komite nyobozi y'ishyaka C.D.R yongeye kwifuriza Abanyarwanda bose cyane cyane Impuzamugambi ziharanira republika umwaka mushya muhire w'igihumbi kimwe magana cyenda mirongo cyenda n'ine.

Iri tangazo rikaba ryashyizweho umukono na Prezida w'ishyaka C.D.R. BUCYANA Maritini.

Indicatif

Fin de la face A.

FACE B

K 0150313

Indicatif du journal parlé en Kinyarwanda.

- Orateur RUBWILIZA Tharcisse :

- . Ikivugwa cyane mu mpera z'iki cyumweru turangiza ni ibyerekeye ishyirwaho z'inzego z'ubutegetsi bw'inzibacyaho yaguye, twari dutegereje, na n'ubu bitarashoboka.
- . Ibinyamakuru ntibirabona umwanya wo gusesengura iyo nkuru ngo bitubwire neza aho amananiza abuza izo nzego z'ubutegetsi kujuaho aherereye.
- . Mu myiteguro twarimo muri iki cyumweru gishize, uwitwa MUTSINZI Eduwardi mu Kinyamakuru "Le Messager-Intumwa" wasangaga ngo uretse kumwica ubundi ngo nta cyabuzaga TWAGIRAMUNGU gushyiraho Guverinoma. Nyamara inzitizi zaje kuboneka, kuko iyo Guverinoma itashoboye kujuaho mu gihe cyari cyateganijwe.
- . Indi nyandiko muri icyo kinyamakuru, ngo Ministre w'Intebe TWAGIRAMUNGU ari mu kizamini cyo gushobora gushyiraho abaministre bazamufasha kuyobora igihugu muri Guverinoma y'inzibacyaho yaguye. Ngo arebye nabi, amashyaka ni yo yamukorera Guverinoma. Icyo kinyamakuru rero kikamugira inama yo kuzaba ari we witoranyiriza abagabo bazakorana, agatoranya abagabo bamwumvira na we akabubaha, abagabo ngo badafite ubusembwa, basezerana ahantu bakahahurira. Ngo nashobora kwihitiramo mu mashyaka ni bwo azaba atsinze icyo kizamini. Ubanza ariko TWAGIRAMUNGU ikizamini kikimukomeranye kuko bigaragara ko hari inkomyi zimubuza kwitoranyiriza mu mashyaka abo bazakorana.

Icyo kinyamakuru cyanditse no kubibera mu mashyaka ya politike nka P.S.D. na P.L. Le Messager Icyo kinyamakuru cyanditse no kubibera mu mashyaka ya politike nka P.S.D. na P.L. Le Messager ngo GATABAZI yiyanbitse ubusa muri Congrès y'ishyaka rye P.S.D iherutse guteranira hano i Kigali. Ngo yashatse kwiyamamariza umwanya wa Prezida w'ishyaka abura aho yaca NZAMURAMBAHO. Ngo ashaka kwamamariza uwitwa NSENGIYUMVA RAFIKI Hyacinthe gusimbura NGANGO ku mwanya wa Visi-Prezida wa mbere, biranga. Ahasigaye ngo yaje gu...shaka ko uwo NSENGIYUMVA RAFIKI asimbura Docteur GAFARANGA ku mwanya wa Visi-Prezida wa kabiri w'ishyaka P.S.D, maze ngo baresurana biratinda, baza gukizwa n'itora. GAFRANGA atsinda bigoye, ariko aratsinda.

Icyo kinyamakuru kandi ngo GATABAZI ntiyumvikana n'uwitwa NYUNGURA, ubu ndetse ngo bikaba byenda guca ishyakamo kabiri. Maze le Messager kit "none se ko NYUNGURA avuga rumwe na GAFARANGA na NGANGO n'abandi bantu GATABAZI yiyenzaho, ngo aho nibamurwanya bashiritse ubute, azarara"?

Kuri ibyo bibazo byo mu ishyaka P.S.D, Kinyamateka nomero igihumbi magana ane n'umunani na yo ngo muri congrès ya P.S.D iherutse ntihabuze amakemwa. Ngo amatora muri iyo congrès yagaragaje ko mu ishyaka ryiyita iry'umu...iry'isugi, gukorera mu mucyo bikiri kure cyane. Ngo ubutiriganya bwaranze ayo matora, bwaje ahubwo gutuma abagize Komite yatowe batiyakirira hamwe.

Le Messager ngo muri P.L ho MUGENZI yageze iyo ajya. Ngo iby'amashyaka menshi bigitangira, uwo mugabo yavugaga ko Prezida HABYALIMANA ari umwanzi we ukomeye, none ngo aririrwa atuka Abatutsi kandi ngo umugore we ari Umututsikazi, kandi ngo abo Batutsi ari bo yatindishije iteme yambukiye alya kuba ministre.

Imvaho nomero igihumbi na mirongo itatu na rimwe yo yahariye inyandiko ebyiri zose ibibazo biri mu itangazamakuru ubu mu gihugu cyacu.

Aniseti IMANIRABARUTA ngo itegeko rigenga uwo mwuga ryariho ubu ririmo riravugururwa, kuko ngo aho kurengera uwo mwuga ahubwo ryawunigaga.

Abanyamakuru ngo banyuzwe cyane n'uko ibihano biremereye byageganywaga n'itegeko numero 54 / 91 ryo ku wa cumi na gatanu Ugushyingo mirongo cyenda na rimwe, ubu noneho ngo biza...bizagabanuka.

Umushinga w'itegeko rishya ngo uteganya kandi ko Leta izatera inkunga igaragara itangazamakuru muri rusange.

Iryo tegeko rishya ngo rizarengera kandi uburenganzira bw'abaturage bwo kumenyeshwa amakuru abafitiye akamaro.

Indi nyandiko iri mu mvaho ni iya FAYIDA IIdéphonse wemeza ko itangazamakuru rya Leta kuri iki gihe ngo rimerewe nabi. Uwo munyamakuru aratubwira ko bagenzi be ba ORINFOR bagaragaje kenshi mu minsi ishize, ko babuze ibikoresho n'uburyo bwo gukora butunganye, nyamara ngo ubuyobozi bwabo ntibubumve. None ngo aka wa mugani w'umutego wanga ikinyoma, ngo n'ubwo buyobozi ndetse n'inama y'ubutegetsi ya ORINFOR bigeze aho na byo byumva ko ikibazo gikomeye. Uretse ko ngo bagombye gutegereza ko RWANDATEL ifunga telefone kugira ngo babone guhuruza ku mugaragaro. FAYIDA rero ati "mu bihe nk'ibi amaradiyo n'ibinyamakuru bivuka ari byinshi si bwo Leta yari ikwiye kuniga iryayo maze ngo ejo izajye gusaba abo yimye".

Inkuru y'ifungwa rya bimwe mu bigo bya Leta imaze iminsi ivugwa. SIMBANKABO, mu mvaho, ngo ikigo cya ELECTROGAZ ntikizagurishwa, ahubwo ngo kizakodeshwa. Ngo intumwa ya Banki y'isi yose imaze imyaka itatu yiga icyo kibazo, isanga nk'uko byakozwe muri za Côte d'Ivoire, muri Kongo no muri Cadi, bikaba biggeragezwa no muri Madagascar ngo ubwo ari bwo buryo nyabwo bwo guhagarika igihombo icyo kigo kigira buri mwaka. Muri iyo nyandiko ngo ku itariki ya cumi n'icyenda Ugushyingo mirongo cyenda na gatatu ni bwo abifuza gukodesha ELECTROGAZ

bagejeje amabaruwa avuga ibiciro ku babishinzwe, hanyuma ngo uzatoranywa azatangira imirimo muri Werurwe uyu mwaka.

Kinyamateka numero igihumbi na magana ane n'umunani kandi iratabariza byihutirwa u Rwanda kubera abantu bicwa n'inzara. Padiri SIBOMANA mu ijambo ry'ibanze ngo "inzara igomba kurwanywa ariko kandi hakarwanywa n'igitera iyo nzara". Ngo ibyo rero birashoboka abaturage nibatobora bakavuga. Aragaragaza ko ibyago byugarije igihugu cyacu bituruka ahanini ku myifatire y'abayobozi baharanira inyungu zabo bwite. Abaturage bakabashuka, babasezeranya mu ndirimbo no mu midiho ko ibyo ari byo bizashobora kubageza ku mahoro n'amajyambere. Padiri ngo amajyambere nyayo azagerwaho rubanda nibamenya neza aho inyungu zabo ziherereye ubundi bagaharanira gushyira mu butegetsi inyangamugayo zitangira rubanda nta buryarya.

Muri icyo Kinyamateka kandi Padiri SIBOMANA yadusomeye igitabo giheruka gusohoka mu macapiro cyitwa "UBWICANYI MU KIBUNDA" kikaba cyaranditswe ngo n'umunyamakuru witwa Nicolas GORDON. Padiri rero ngo muri icyo gitabo bahamya rwose ko Diane FOSSEY bari barahimbye NYIRAMACIBILI ngo yicishijwe na Protazi ZIGIRANYIRAZO, bakunda kwita Zedi. Icyo gitabo kivuga n'ukuntu ngo ari abishe uwo Munyamerikakazi, ngo ari abagize icyo bamenya ku iyicwa rye, bose ngo nyuma bagiye bapfa urupfu rw'amayobera.

Iyo nyandiko kandi ngo abagabye igitero kwa NYIRAMACIBILI, imyaka ishize ari umunani, ngo bashakaga gutwara inyandiko ku byo yari yaratahuye ku bucruzi bw'ingagi ngo no ku ruhare rukomeye Zedi yari abifitemo. Padiri SIBOMANA, muri iyo nyandiko, ngo uwashaka kumenya kurushaho iby'ubwo bwicanyi mu kibunda, ngo yabariza muri Ministeri y'Ububanyi n'amahanga ya Leta Zunze Ubumwe z'Amerika. Ngo hari amabanga menshi ahabitse y'ingagi zo mu Rwanda n'ay'ubwicanyi mu kibunda.

Duhagarariye aha ngaha, ni ah'ubutaha.

Indicatif.

- Orateur MUGENZI Justin :

Ni yo mpamvu Abanyarwanda bahora bigura, ndetse uko kwigura ntibabuza gutotezwa, kugeza n'igihe birukanywe mu byabo. Navuga nko muri Zayire, Abanyarwanda bahora bikanga kwirukanwa no kunyagwa ibyabo. Mperutse ndetse kumva, mu kwezi kwa kane, muri Masisi, mu majyaruguru ya Kivu, hamaze kwicwa Abanyarwanda benshi, bambuwe ibyabo, abandi barahunze, bazize gusa Ubunyarwanda. Badatandukanje ari Abanyarwanda bafite ubwenegihugu bwa Zayire, ari Abanyarwanda b'abimukira bamwe nakubwiye bagiye kera, cyangwa b'impunzi. Baratotezwa gusa kubera ko bitwa Abanyarwanda. Nko muri Tanzaniya, nta gihe badasuka hanze abimukira, babatesheje ibyabo. Muhora mubyumva, ndetse muri iyi ntambara ni ho hirukanywe benshi. Muri Uganda, muribuka isukwa hanze ry'Abanyarwanda rihora rihaba, ariko iryakabije ni iryabaye mu gihumbi kimwe magana cyenda mirongo inani na kabiri. Abensi muri mwebwe murabizi, mwarabikurikiye ku maradiyo yanyu. Ikibazo rero gikomeye muri iryo totezwa ni uko batavangura Abanyarwanda, ku buryo n'abenegihugu babo babitiranya n'abimukira bagiyeyo kera kimwe n'impunzi. Apfa kuba ari Umunyarwanda gusa ku muco.

Urundi rugero nabaha rwa kane ni ibyerekeranye n'amashuri. Kubera ko imyanya ari mikeya mu mashuri, abanyamahanga harimo n'Abanyarwanda biga bibaruhiye, kuko batafatwa kimwe n'abenegihugu. Na mwe murabizi n'ino mu Rwanda dufite ibibazo cy'imyanya mikeya mu mashuri. Igihugu nticyaba cyabuze imyanya y'Abanyarwanda ngo kizabone imyanya y'Abanyamahanga. Impunzi rero zimerewe neza ku bukungu ni agace gatoya gatuye imijyi, kagizwe n'abashoboye kwiga ahanini barihiwe na wa Muryango mpuzamahanga ubitaho kimwe n'abacuruzi bakeya. Ni abo gusa. Naho abandi ibihugu bahungiyemo cyangwa bimukiyemo, abaturage baho ntibaba bamerewe nabi mu by'ubukungu no mu mibereho myiza na politike ngo noneho abanyamahanga cyane cyane Abanyarwanda ngo abe ari bo bazamererwa neza.

Ku byerekeranye na politike ho bamerewe gute? Ku byerekeranye na politike, umunyamahanga burya ntaho aba ashingiye. Ni nk'uko umunyamahanga yaza hano mu Rwanda ngo aravuga ngo aje gukora politike, ngo ajee...kuba Selire, Konseye, Burgmestri, Prefe, Ministre cyangwa Prezida! Birumvikana rero ko n'Abanyarwanda bari hanze ntaho bashingiye muri politike. Kurebwa neza cyangwa nabi n'ubutegetsi iyo bari, byagiyebihindagurika bikurikije imihindagurikire y'ubutegetsi muri ibyo bihugu ba...bibacumbikiye. Iyo barebwe nabi n'abutegetsi, baratotezwa cyane. Ibyo murabizi ni yo mpamvu basukwa hanze. Kandi nabwo iyo barebwe neza n'ubutegetsi, akensi abaturage babana na bo babagirira ishyari, bakabanga, bigashyira ubutegetsi buriho mu bibazo. Urumva rero ari ukurebwa neza n'ubutegetsi, ari ukurebwa nabi n'ubutegetsi, amaherezo bibamerera nabi. Amaherezo Abanyamahanga cyane cyane Abanyarwanda bari muri ibyo bihugu bibamerera nabi. Iyo barebwe n'ubutegetsi neza abaturage babana babagirira ishyari. Iyo barebwe kandi nabwo n'ubategetsi nabi na bwo ni hahandi urabyumva. Uko kutagiraa... shinge, rugero muri politike kw'Abanyarwanda bari hanze, babiterwa cyane n'uko ari abanyamahanga kandi bakaba badahagarikiwe n'ighugu cyabo bakomokamo, étrangers sans protection diplomatique de leur pays d'origine.

Iyo hari ibibazo bikomeye by'ubukungu na politiki, abenegihugu bareba abanyamahanga nabi bavuga ko baje kubatwara ibintu n'imyanya y'akazi. Kubera rero ko Abanyarwanda ari bo banyamahanga benshi mu bihugu duturanye, ni bo abenegihugu bahora bikanga ndetse ishyari rimwe na rimwe rigahindukamo urwango.

Indirimbo.

- Orateur non identifié :

...bafite ubuzima n'ibibazo bihariye, kensi bimenywa na bo ubwabo ubundi bikamenywa n'abandi bake, kuko n'abo mu Rwanda bajyanywe mu mahanga n'impamvu z'akazi ntibagira umwanya wo kubimenza neza. Ahanini ibibazo babiterwa no guhera mu gihirahiro, bamwe ntibaba bafite

ubwenegihugu bw'ibihugu barimo, kandi ntibabe bahagarikiwe n'ighugu cyabo bakomokamo. N'abafite ubwo bwenegihugu kandi ntibibabuza gukomeza kwitwa Abanyarwanda, ugasanga bose buhuje ibibazo. Bazira iki rero iyo mu mahanga?

- Orateur MUGENZI Justin :

Dore bimwe na bimwe ibyo abenegihugu baziza Abanyarwanda. Hakunda kuvugwa impamvu eshanu zituma abenegihugu bagira ishyari cyangwa se batoteza Abanyarwanda. Baziza Abanyarwanda, ko bororoka cyane kurusha abenegihugu. Abenegihugu rero bikanga ko amaherezo bazaganzwa n'Abanyarwanda kubera ubwinshi bakazashobora kubatwara akazi n'ubukungu ndetse no kubategeka. Hari indi mpamvu ya kabiri : Uko kororoka cyane gutuma bafata amasambu menshi kandi manini. Ibyo rero bikanga abenegihugu.

Impamvu ya gatatu ni ukwironda kw'Abanyarwanda. Bavuga ko Abanyarwanda ngo bironda cyane. Bashyingirana hagati yabo. Nta muhungu w'Umunyarwanda urongora umukobwa wo mu gihugu cyamwakiriye. N'yo amurongoye, aba ari nko guteka umutwe, hari ibindi ashaka kugeraho, rimwe na rimwe akamuhagari...akamuharika Umunyarwandakazi iruhande. Kimwe n'Umunyarwandakazi na we ni uko, ngo iyo arongowe n'umunyamahanga, ntibimubuza yuko yii...girira Umunyarwanda.. ku ruhande. Muri uko kwironda rero kw'Abanyarwanda, bavuga ko Abanyarwanda ba...bigunga, ntibashake ko hari undi muntu w'umunyamahanga ubinjiramo, ndetse bakarata n'umuco wabo. Ni yo mpamvu muri ibyobihugu by'amahanga barimo, bagiye bashyiraho za "clubs culturels"(amatorero ndanga-muco). Ibyo rero bikarakaza rimwe na rimwe abenegihugu.

Indi mpamvu ya kane : bavuga ko Abanyarwanda bigwizaho ubukungu bwinshi, akenshi babifashijwemo n'abategetsi bo hejuru mu bihugu barimo, baba bafatanyije ubucuruzi. Ibyo rero bikarakaza cyangwa bigakurura ishyari mu benegihugu. Iyo bamaze rero kwigwizaho umutungo, bamwe na bamwe bashaka gucengera mu nzego zo hejuru z'ubutegetsi mu bihugu byabakiriye, ngo na bo bategeke, bigatuma batambutsa ibyo bashatse byose n'aho byaba bibangamiye inyungu z'abenegihugu. Ibyo ndetse murabizi mu bihugu bimwe na bimwe bidukikije, muzi ko hari

Abanyarwanda bashoboye kwhihinduranya bakagera mu nzego zo hejuru z'ubutegetsi ndetse no mu nzego z'ubute...z'umutekano za gisirikari, bamwe bakabaha n'amapeti yo hejuru ku buryo baba na ba Jenerali. Muri ibyo byose ariko bivugwa, sinapimye ngo menye u... aho kuri cyangwa uko ukuri kungana, ariko hari ibigaragara. Iby'uko Abanyarwanda babyara cyane kandi bironda. Ibyo ko hari muri ibyo bivugwa, cyangwa bakize babifashijwemo n'abategetsi bo hejuru mubihugu barimo. Abanyarwanda bakize, cyangwa bakize babifashijwemo n'abategetsi bo hejuru mubihugu bidukikije. Ndetse hari n'Abanyarwanda bashoboye gucengera mu butegetsi bwo hejuru mubihugu bidukikije. Ibyo byose rero ntibyabura gutera ishyari ndetse n'urwango rw'abenegihugu ku Banyarwanda bari muri ibyo bivugwa. Ibyo bibazo rero Abanyarwanda bari hanze bafite iyo mibereho yabo hanze, bifite ingaruka mbi ku Banyarwanda bari imbere mu gihugu. Izo ngaruka mbi ku Banyarwanda bari imbere mu gihugu ndazivuga ku buryo bubiri :

- Hari ingaruka mbi ku byerekeye politike, imibanire y'abaturage n'umutekano;
- Hari n'ingaruka mbi ku byerekeye ubukungu no guhahirana.

. Ku byerekeranye na politike, imibanire y'abaturage n'umutekano.

Mu Rwanda kuva rwabona ubwigenge, iyo hatari ibitero by'Abanyarwanda biturutse hanze, ubutegetsi buhora bwikanga ibyo bitero, abaturage bagahora ku nkeke. Abanyarwanda bafite bene wabo hanze cyangwa bafiteyo inshuti bagakekwaho ko baba bafitanye umugambi wo gutera; abo bita ibyitso. Ndetse kubera ko ibihugu duturanye na byo bifite impunzi zabyo mu Rwanda, na byo bihora byikanga ibiterobihaturutse. Biturutse ino mu Rwanda. Bigatera urwikekwe runini hagati y'ibihugu ndetse rimwe na rimwe hakabaho no gushyamirana. Ibyo biri mu byatumye kuva kera kubona passepport, inzandiko z'inzira zo kujya mu mahanga mu Rwanda, biruhanya, ndetse no kubona viza cyangwa uburenganzira bwo kujya muri ibyo bivugwa bidukikije. Ibyo bigatuma gutembera mu bivugwa bidukikije bitewe no guhaha na byo biru...biruhije.

Ku byerekeranye n'ubukungu no guhahirana :

Murabizi neza u Rwanda ni igihugu gito. Gifite ubutaka buke buhingwa, butera neza kandi abaturage ari benshi cyane. Nta n'amabuye y'agaciro ahari ahagije. Dutunzwe rero cyane no guhahira mu bihugu byo hanze duturanye, cyane cyane ibiryo. Kubera rero impamvu zavuzwe za politike n'umutekano n'urwikekwe na hagati y'ibihugu duturanye, ari hagati y'Abanyarwanda imbere mu gihugu, cyangwa hagati yabo imbere n'inyuma y'igihugu, guhahirana biragoye. Bikagira ingaruka mbi ku bukungu bw'igihugu. Iyo amayira yafunzwe kubera impamvu nyinshi, kwaba gufunga ko hari n'

Abanyarwanda benshi bifuza cyangwa bajya gushaka akazi hanze n'amashuri.

Inzira zo gukemura ibyo bibazo zaba izihe?

Nababwiye ko Abanyarwanda bari hanze bajyanywe n'impamvu ebyiri z'ingenzi: hari ibibazo by'ubukungu, hari n'ibibazo bya politike.

Ibibazo by'ubukungu n'imibereho myiza ni byo byabyaye abimukira, les émigrés socio-économiques mu gifransa.

Ibibazo bya politike ni byo byabyaye impunzi, mu gifaransa bita "les réfugiés politiques".

Inzira rero zo gukemura ibyo bibazo by'Abanyarwanda bari hanze, ni ugukemura ibibazo byatumye bajya hanze. Ni ukuvuga ibibazo by'ubukungu n'ibibazo bya politike byatumye bajya hanze.

Gukemura ibibazo by'ubukungu n'imibereho myiza byagenda gute?

Ibyo simbyibandaho cyane uretse ko kubikemura biranaruhiye. U Rwanda ntirya...ntirwabyishoborera rwonyine. Hagomba uwumvikane n'ibihugu bidukikije, mu rwego rw'ubukungu n'imibereho y'abaturage. Niba Abanyarwanda baragiye gushaka amasambu manini kandi yera, ni uko mu

Rwanda nta yahari! Nubu nta ho twayavana!

U Rwanda rukwiriye gukomeza imishyikirano mu miryango ruhuriyemo n'ibihugu bidukikije n'ibindibihugu by'Afurika nka O.B.K, C.P.G.L n'A.Z.E.P kugira ngo humvikanweho vuba kandi ku buryo burinda inyungu z'abaturage, ku byerekeranye no gutembere, kwimuka no gutura mu bindi bihugu, libre circulation des personnes et des biens ainsi que le libre établissement mu gfransa. Ndetse bishobotse hakaba hakorwa igihugu kimwe, byagira akamaro, confédération cyangwa fédération ariko ibyo bigomba kwitonderwa kuko...ee...ntibyoroshye ariko byashoboka.

Gukemuraaa... ibibazo bya politike byo byagenda gute?

Kurangizaa...burundi ibibazo by'impuzi bigomba kunyura mu gukemura ibibazo bya politike byatumye zibaho. Igihe mu gihugu hahoraho imvururu zishingiye ku butegetsi, abantu bagapfa, abandi bagakomereka, ibintu bikangirika, aho kugira ngo impunzi zitahe, ahubwo ziriyongera. Ndetse no mu gihugu imbere, impunzi zikabaho. Ni ngombwa rero gutunganya imitegekere n'ubutegetsi mu Rwanda, ku buryo hatazongera guhora haba izo mvururu zituma haba impunzi hanze y'igihugu ndetse n'imbere mu gihugu.

Indirimbo.

- Orateur non identifié :

Abanyarwanda batari mu Rwanda bafite ibibazo bihariye, ariko ni byiza ko natwe tubimenya. Hari abajyanyweyo n'impamvu zo guahaha, hakaba n'abajyanyweyo n'impamvu za politike. Kubonera ibisubizo ibibazo bose bafite si ibintu byoroshye. Ariko kwiyumvisha ko bishoboka ni intangiriro y'igisubizo cy'ibyo bibazo kandi u Rwanda rufite inshingano yo kubishakira ibisubizo ariko na none bikurikije ubushobozi rufite.

K0150323

- Orateur MUGENZI Justin (arakomeza) :

Nk'uko nabivuze kare, ikibazo gikomereye Abanyarwanda bo hanze ni ukutagira ubwenegihugu, bwaba ubw'aho bari, bwaba ubwo u Rwanda. Kubona ubwenegihugu bw'aho bari byoo ntibyoroshye, kubera amategeko yaho aruhije, ariko kubona ubwenegihugu bw'u Rwanda byo biroroshye. Byaturuka ku bushake bw'ubutegetsi.

Ubwenegihugu babuhawe, byatuma bubawa iyo bari ntibongere ku...jurajura. Kandi byatuma ushaka gutaha iwabo mu Rwanda, ataha atikandagira. Ku Banyarwanda bo hanze bazashaka gutaha, Leta y'u Rwanda igomba guteganya uburyo bwo kubinjiza mu mibereho y'Abanyarwanda basanzwe imbere mu gihugu. Ni ukuvuga kuborohereza kwinjira muri politike ku babishaka, kuborohereza kubona imirimo, intégration professionnelle, bishobora kuba ubuhinzi cyangwa ubworozzi, bishobora kuba imirimo ya Leta, bishobora kuba ubukorikori, ubucuruzi n'inganda n'ibindi. No kubafasha mu by'umuco wo mu gihugu. Abari hanze bavuga indimi zinyuranye n'iz'abari mu Rwanda, uretse ko abensi bazi ikinyarwanda. Abize bafite amadiplôme ariko batarakurikije programu nk'izo amashuri yo mu Rwanda. Abakiga programu bakurikira muri ayo mashuri ntabwo ahuye n'ayo mu Rwanda. Ibyo na byo ni ibibazo by'umuco bigomba kwitabwaho. Ubu hari n'abibaza niba Abanyarwanda bari hanze, baba abimukira cyangwa impunzi, batahutse batazashaka gusubira mu byabo basize. Icyo kibazo koko gishobora kuvuka. Ariko abantu bose bagombye kwiyumvisha ko gushaka kubisubiramo bishobora gutera umwuka mubi mu baturage, ugasanga nta n'umwe ubifitemo inyungu, yaba Umunyarwanda w'imbere mu gihugu, yaba utahutse, kuko si byiza gutahukira mu nduru.

Mu magambo rero make avunaguye, Abanyarwanda bo hanze ntibamerewe neza nk'uko bamwe mu Rwanda imbere babyibwira, n'ubwo harimo bakeya cyane bakize ndetse bafatanyije n'abategetsi bo hejuru mu bihugu barimo. Abo bakeya bakize, batuma abenegihugu babagirira ishyari, bigatuma rimwe na rimwe bareba nabi Abanyarwanda bose bari yo nta kurobanura.

Uko kumererwa nabi kw'Abanyarwanda bari hanze bigira ingaruka mbi ku Banyarwanda bari imbere mu gihugu, ku byerekeye politiki, imibanire y'abaturage n'umutekano, bitaretse no guhungabanya ubukungu n'imihahirane n'ibihugu duturanye.

Kurebwa nabi no gusuzugurwa kw'Abanyarwanda bari hanze biterwa cyane cyane n'uko abo Banyarwanda badafite ubwenegihugu bw'aho bari cyangwa bakomoka mu Rwanda. Umuntu utagira ubwenegihugu buzwi ni nk'umwana muto utagira ababyeyi. Gutunganya rero ibibazo bya politike mu Rwanda, byatumye habaho impunzi zidatahuka, no guha Abanyarwanda bo hanze ubwenegihugu biri mu nzira nyazo zo gutunganya ibibazo byabo n'iby'igihugu. Ubwo bwengihugu bwabaha iyo bari icyizere ko batazasuzugurwa ngo baa...totezwe, banyagwe umutungo wabo kuko bazaba bizeye ko hari igihugu cyabo cyabarwanaho bibaye ngombwa. Ibyo ndetse byatuma no gutahuka ikivunge bamwe bakeka bitabaho, kuko iyo hanze Abanyarwanda baba bameze neza ntacyo bikanga uretse gusa kuza gusura bene wabo igihe babishakiye. Ariko ibyo na byo birasaba kumvikana n'ibihugu batuyemo cyane cyane ibidukikije, kandi ari u Rwanda, ari n'ibyo bihugu, byose bikagira amatwara y'ubutegetsi ashingiye kuri demukrasi. Impunzi zabyo na zo zigatunganyirizwa ibibazo. Kuko gutunganyaa...ibibazo by'impunzi z'Abanyarwanda n'abandi bari hanze, udatunganyije ibibazo by'impunzi ziri mu Rwanda ziva mu bihugu bidukikije na byo byateza izindi mpaka n'ibindi bibazo.

Indirimbo.

- Orateur MUGENZI Justin arakomeje :

...rwanda uburyo bwinshi udafite ubu nguba, ariko kwemererwa gutahuka ntibigomba gутегереza igihe Leta izabonera ubwo buryo, kuko hari abishoboye bakwirwanaho gutaha no gutura bitagombye Leta. Nk'uko nabibabwiye harimo abakire.

Fin de la face B.